

repurgata atq; illustrata per virum excellentem ac verè diuinum, Martinũ Lutherum innotescere & propagari cœpit, anno à Christo nato 1517. pro quo summo beneficio Deo sempiternas gratias agere omnes debemus, q; nos ex Papisticis tenebris clementer eripuit, atq; ex fascino superstitionũ & falsarum opinionum laqueis explicatos, reduxit ad lucem doctrinæ purioris, & agnitionem veram mediatoris Iesu Christi, cuius nomen iam penè deleuerat obliuio. Hic idem princeps postea propter opinionem ingenij, sapientiæ, grauitatis ac fortitudinis, à sacro Romano imperio magna consensione Imperator electus fuit, anno 1519. Verùm magno animo, vt sapiens princeps, multis in medium adductis grauibus rationibus, imperium ad se delatum recusauit, haud parem se existimans tantæ maiestati tantoq; oneri perferundo, suoq; suffragio Carolum Austriae archiducem